



RESOLUCIÓN DO XEFE TERRITORIAL DA CONSELLERÍA DO MAR DA CORUÑA POLA QUE MODIFICA A RESOLUCIÓN DO 06.03.2020 E SE PROCEDE Á COBERTURA DE SETE (7) PRAZAS VACANTES NA MODALIDADE DE MARISQUEO A PÉ PARA O EXERCICIO DA ACTIVIDADE EXTRACTIVA NO ÁMBITO DA CONFRARÍA DE PESCADORES DE MUGARDOS.

ANTECEDENTES

1. A Orde de 20 de decembro de 2018 aprobou o Plan xeral de explotación marisqueira para o ano 2019 e de conformidade co expediente de aprobación do plan de explotación de moluscos bivalvos a pé da confraría de pescadores de Mugardos en autorización para o ano 2019 indicábase:

“Participantes: A confraría establece en 65 o número máximo de permisos de explotación para o ano 2019. Aceptase a ampliación de permisos ata acadar o máximo indicado.”

Tendo en conta que no proceso de renovación para o 2019 foron 59 o número de permisos renovados, nese intre existían seis (6) prazas por cubrir ata acadar a cifra máxima fixada pola entidade en 65 permisos de explotación para o 2019.

2. O 14.01.2019 a confraría de pescadores de Mugardos solicitou o inicio do proceso selectivo para o outorgamento de novos permisos de explotación a pé, ata completar as 65 prazas de acordo co aprobado no mencionado plan de explotación.

3. Por resolución do 23.01.2019, a xefatura territorial da Consellería do Mar da Coruña convocou o proceso selectivo para o acceso ao permiso de explotación na modalidade de marisqueo a pé para o exercicio da actividade extractiva no ámbito territorial da confraría de pescadores de Mugardos (corrección de erros do 23.01.2019). Neste proceso convocáronse as seis (6) prazas indicadas.

4. O 29.05.2019, esta xefatura territorial emite resolución pola que se publica a listaxe de persoas aspirantes seleccionadas no antedito proceso selectivo e se abriu o prazo de quince (15) días hábiles, contados a partir do seguinte ao da publicación da dita resolución, para a presentación de documentación. Transcorrido o dito prazo unha das persoas seleccionadas non presentou documentación algunha, pasando a declararse desistida da súa solicitude na resolución correspondente e no transcurso do proceso selectivo producíronse 5 baixas, por xubilación ou por renuncia, de persoas mariscadoras asociadas á confraría de pescadores de Mugardos.

5. O 08.07.2019 a confraría de pescadores de Mugardos solicitou a cobertura das prazas vacantes mediante o emprego lista de reserva.

6. Por resolución de 01.08.2019 desta xefatura territorial procedeuse á cobertura das seis (6) prazas vacantes mediante a utilización da lista de reserva e abriuse un prazo de quince (15) días hábiles para a presentación de documentación. Transcorrido o dito prazo, cinco (5) das persoas seleccionadas non presentaron documentación algunha pasando a declararse desistidas das súas solicitudes na resolución correspondente.

7. No proceso de renovación de permisos de marisqueo a pé para o 2020, renováronse 57





permisos e o 31.01.2020 presentouse documentación relativa á xubilación dunha mariscadora participante no plan de explotación, polo que foron renovados 56 permisos na confraría de Mugardos.

8. Por resolución de 06.03.2020 desta xefatura territorial procedeuse á cobertura de nove (9) prazas vacantes mediante a utilización da lista de reserva e se abriu o prazo de quince (15) días hábiles, para a presentación de documentación. Transcorrido o dito prazo 4 das persoas seleccionadas non presentaron documentación algunha e outra non contestou ao requirimento de emenda de documentación para o cumprimento de requisitos. O 20.07.2020 e o 11.08.2020, dúas persoas que se atopaban na lista de reserva presentaron cadansúa renuncia de figurar na dita lista e a exclusión do proceso selectivo, pasando polo tanto a declararse todas elas desistidas das súas solicitudes na presente resolución.

9. O 06.08.2020, 2 mariscadoras pertencentes á confraría de Mugardos presentaron na xefatura comarcal de Ferrol documentación da súa xubilación e a devolución da tarxeta do permiso de explotación. Por tanto, na actualidade son 7 as prazas vacantes por cubrir ata acadar o número máximo de permisos aprobado no plan de explotación.

CONSIDERACIÓNS LEGAIS E TÉCNICAS

1. De acordo co punto 1 da disposición transitoria primeira do Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas, o plan de explotación de moluscos bivalvos a pé da confraría de pescadores de Mugardos en autorización prorrogase ata o 31.12.2020.

2. O punto 4 da Circular MA-03-2019 da Dirección Xeral de Desenvolvemento Pesqueiro, sobre as adaptacións de medidas nos plans de xestión de marisqueo, establece que o número máximo de participantes dos plans prorrogados será a referencia para o incremento de participantes para o ano 2020 por parte da Xefatura Territorial, sen prexuízo das medidas de adaptación previstas no artigo 21 do Decreto 153/2019, do 21 de novembro.

3. O Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira –modificado polos Decretos 114/2007, de 31 de maio, e 48/2013, do 7 de marzo- establece nos capítulos I e III as disposicións xerais que rexen os permisos de explotación e os requisitos para a obtención do permiso de explotación para marisqueo a pé.

4. A Orde do 15 de xullo de 2011, pola que se regula o permiso de explotación para o marisqueo a pé, nos seus artigos 6º e 7º regula o procedemento administrativo a seguir nos procesos de selección para ter acceso ao permiso de explotación para o marisqueo a pé, así como a constitución e emprego de listas de reserva en ditos procesos selectivos.

5. A resolución do 29.05.2019 pola que se publica o listado de persoas aspirantes seleccionadas no proceso selectivo para o acceso ao permiso de explotación na modalidade de marisqueo a pé para o exercicio da actividade extractiva na confraría de pescadores de Mugardos, e se abre o prazo para a presentación de documentación, recolle no seu apartado 2º o establecido no artigo 7º.6 da Orde 15 de xullo de 2011, indicando que:

" A relación definitiva de persoas non seleccionadas que non foron excluídas do proceso selectivo, constituirá unha lista de reserva que terá unha vixencia dun (1) ano contado desde o día seguinte ao da data da resolución da xefatura territorial."

Esta resolución tamén establece no seu apartado 3º que:

"As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados, entenderase que desisten da súa solicitude."





Neste suposto, emitirase unha nova resolución modificando esta, consonte aos prazos e forma recollidos nos parágrafos anteriores, declarando seleccionada/s a/as persoa/s que figuren na lista de reserva polo desestimento das persoas que non presentaron a documentación ou carecen dos requisitos."

6. Tendo en conta que entre o 14.03.2020 e o 01.06.2020 os prazos administrativos estiveron suspendidos de acordo co Real Decreto 463/2020, do 14 de marzo, polo que se declara o estado de alarma para a xestión da crise sanitaria ocasionada polo COVID-19 e as prórrogas do mesmo, a lista de reserva resultante do proceso selectivo realizado en 2019 continúa vivente.

De acordo co disposto na disposición transitoria primeira do Decreto 245/2009, do 30 de abril (DOG nº 84, do 1 de maio de 2009), polo que se regulan as delegacións territoriais da Xunta de Galicia, e no Decreto 177/2016 (DOG nº 239, do 16 de decembro de 2016), polo que se fixa a estrutura orgánica da Vicepresidencia e das consellerías da Xunta de Galicia, esta xefatura territorial no exercicio das súas competencias,

RESOLVE:

1. Declarar desistidas das súas solicitudes, en relación á resolución do 06.03.2020 desta xefatura territorial pola que resultaron seleccionadas para a obtención do permiso de explotación na modalidade de marisqueo xeral a pé para o exercicio da actividade extractiva no ámbito da confraría de pescadores de Mugardos, ás persoas que se indican a continuación:

1º APELIDO	2º APELIDO	NOME	NIF
MARAN	PENA	FERNANDO DIEGO	*** 8838 **
MARTINEZ	ROMAUS	JOSE ANTONIO	*** 6484 **
GABEIRAS	SAAVEDRA	DANIEL	*** 2828 **
PEREZ	FERNANDEZ	ALEXANDRE	*** 5819 **
ROIBAL	PEREZ	JAIME	*** 8969 **

Así mesmo, decláranse desistidas das súas solicitudes por renuncia de figurar na lista de reserva para a obtención do permiso de explotación na modalidade de marisqueo xeral a pé para o exercicio da actividade extractiva no ámbito da confraría de pescadores de Mugardos, ás persoas que se indica a continuación:

1º APELIDO	2º APELIDO	NOME	NIF
FEAL	FERNANDEZ	FATIMA	*** 7371 **
MONTEIRO	VARGAS	BEATRIZ	*** 0771 **

2. Proceder á cobertura de sete (7) prazas vacantes na modalidade de marisqueo a pé para o exercicio da actividade extractiva no ámbito da confraría de pescadores de Mugardos mediante o emprego da lista de reserva. O listado cos/as aspirantes seleccionados/as e os/as non seleccionados/as ven recollido no anexo desta resolución.

As persoas aspirantes seleccionadas disporán dun prazo de quince (15) días hábiles, contados a partir do seguinte ao da publicación da presente resolución, para presentar no rexistro da xefatura territorial da Consellería do Mar na Coruña, ou en calquera das formas previstas no artigo 16 da Lei 39/2015 de 1 de outubro, do Procedemento Administrativo Común das Administracións Públicas a documentación que figura na base 3.2 do anexo A da convocatoria de 23.01.2019 e que a continuación se relaciona:

a) Certificado de estar empadroada nun municipio do litoral de Galicia.

A documentación que acredita estar empadroada nun municipio do litoral de Galicia non será





necesario que se presente no caso de consentimento expreso da persoa interesada, para comprobar os datos de residencia mediante consulta ao sistema de verificación de datos de acordo co Decreto 255/2008, do 23 de outubro, e a Orde do 7 de xullo de 2009.

b) Certificado da Seguridade Social de non ser perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptora da renda de integración social de Galicia.

Non será necesario en caso de autorización á Consellería do Mar para a consulta destes datos.

c) Documentación acreditativa de non estar incapacitada para exercer os labores de marisqueo.

d) Dúas fotografías de tamaño carné actuais e iguais, co seu nome escrito por detrás.

Se a persoa é perceptora da renda de integración social de Galicia, deberá renunciar a ela no momento da concesión do permiso de explotación.

Se dentro do prazo fixado algunha persoa aspirante non presentase a documentación ou do exame dela se deducise que carece dalgún dos requisitos sinalados na base 1.2 do anexo A da convocatoria de 23.01.2019, entenderase que desiste da súa solicitude.

No caso contemplado no parágrafo anterior, emitirase unha nova resolución modificando esta, na que se declarará/n vacante/s a/s praza/s pendente/s de cubrir, ao non existir máis persoas candidatas na lista de reserva, polo desestímulo da/s persoa/s que non presentou/presentaron a documentación ou por carecer dos requisitos, convocando o proceso selectivo que oportunamente se realice para a cobertura das ditas prazas.

Para obter o permiso de explotación de marisqueo a pé, as persoas seleccionadas deberán:

- a) Estar en posesión do permiso do certificado de mariscador.
- b) Non ter sancións firmes en vía administrativa en materia de protección de recursos mariños, pendentes de pagamento.

A presente resolución publicarase no taboleiro de anuncios da xefatura territorial de A Coruña e na páxina web <http://www.mar.xunta.gal>. A resolución tamén se exporá, con carácter informativo, no taboleiro de anuncios da xefatura comarcal de Ferrol, así como no taboleiro de anuncios da confraría de pescadores de Mugardos.

Contra esta resolución, que non pon fin á vía administrativa, poderá interpoñerse recurso de alzada ante a Conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido nos artigos 30, 121 e 122 da Lei 39/2015 de 1 de outubro, do Procedemento Administrativo Común das Administracións Públicas.

O xefe territorial
Por delegación de funcións (Resolución do 06.11.2019)
A xefa do Servizo de Recursos Mariños
María José Cancelo Baquero





I.- MUGARDOS –PERSONAS ADMITIDAS–SELECCIONADAS E NON SELECCIONADAS-

OBTENCIÓN PERMISO MARISQUEO A PÉ (continúa) **Nota:** ocúltase parcialmente o número de D.N.I. en aplicación das garantías de protección da súa divulgación, seguindo o establecido pola Lei orgánica 3/2018, do 5 de decembro, de Protección de Datos Personais e Garantía dos Dereitos Dixitais en relación á identificación dos interesados nas notificacións por medio de anuncios e publicacións de actos administrativos, así como a orientación para a súa aplicación da Axencia Española de Protección de Datos.

1º APELIDO	2º APELIDO	NOME	D.N.I.	PUNTOS	PARO	FORM. 2.a	FORM. 2.b	PADRÓN
ROMERO	MONTOYA	PEDRO JOSE	* * * 0435 * *	1,75	1,75	0	0	0
ESCUDERO	CERVANTES	LUIS MIGUEL	* * * 6222 * *	1,70	1	0	0,7	0
GARCIA	PRIETO	CESAR EMILIO	* * * 0598 * *	0,50	0	0	0,5	0
LUCCI	MACHADO	LEANDRO	* * * 0353 * *	0,30	0	0	0,3	0
JIMENEZ	ROMERO	DANIEL (*)	* * * 0794 * *	0,00	0	0	0	0
MONTEIRO	VARGAS	MARCOS	* * * 4095 * *	0,00	0	0	0	0
ROMERO	ROMERO	ISMAEL (*)	* * * 1345 * *	0,00	0	0	0	0
LISTA DE RESERVA								

(*) Daniel Jiménez Romero e Ismael Romero Romero, deberán acreditar que non teñen sancións firmes en apremio en materia de protección de recursos mariños pendentes de pagamento (artigo 4.1 do Decreto 425/93, de 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira) para non seren excluídas do procedemento.





Os epígrafes de cada columna son:

- **PUNTOS** acadados en total.
- **PARO:** tempo transcorrido como desempregado/a, sempre que na actualidade sexa demandante de emprego, non en mellora de emprego: 0,25 puntos/mes durante un máximo de 1 ano inmediatamente anterior á convocatoria (**puntuación máxima 3 puntos**).
- **FORMACIÓN:**
 - 2.a ACTIVIDADES DE FORMACIÓN (cursos, seminarios e xornadas ou asimiladas):**
Valoración das actividades que foron recoñecidas como mérito para acceder ao permiso de marisqueo a pé e que figuran inscritas no catálogo de actividades formativas anexo á Resolución do 23.01.2019 do xefe territorial da consellería do

Mar na Coruña pola que se convoca o proceso selectivo.

2.b TITULACIÓN ACADÉMICA: Graduado en ESO ou equivalente: 0,30 puntos; Bacharel ou equivalente: 0,50 puntos; Diplomado universitario ou equivalente: 0,70 puntos e Licenciado universitario ou equivalente: 1 punto. Ás persoas que posúan a titulación de técnico superior en produción acuícola ou técnico en Operacións de Cultivo Acuícola impartidas no IGafa, engadiráselles 1 punto.

A suma de puntos do apartado de formación non superará os 3 puntos

PADRÓN: Por estar empadroadado nun concello do ámbito da confraría ou entidade titular do plan de explotación en que está prevista a incorporación, durante un mínimo de 1 ano anterior á convocatoria: **4 puntos**

II.- MUGARDOS.- LISTAXE DE PERSOAS EXCLUÍDAS

1º APELIDO	2º APELIDO	NOME	D.N.I.	CAUSA DA EXCLUSIÓN
FEAL	FERNANDEZ	FATIMA	* * * 7371 * *	Desestimento por renuncia
MARAN	PENA	FERNANDO DIEGO	* * * 8838 * *	Desestimento por non entregar a documentación
MARTINEZ	ROMAUS	JOSE ANTONIO	* * * 6484 * *	Desestimento por non entregar a documentación
MONTEIRO	VARGAS	BEATRIZ	* * * 0771 * *	Desestimento por renuncia
GABEIRAS	SAAVEDRA	DANIEL	* * * 2828 * *	Desestimento por non entregar a documentación
PEREZ	FERNANDEZ	ALEXANDRE	* * * 5819 * *	Desestimento por non entregar a documentación
ROIBAL	PEREZ	JAIME	* * * 8969 * *	Desestimento por non entregar a documentación

